


命
通
攷



月令通攷序

昔在有虞用璿璣玉衡以
測此至姬公益光大之嘗
觀周禮一書上自日月星
辰之運下至昆蟲艸木之
變大而體國經野之規細



而農圃工虞之務莫不講
求申令以垂畫一益詳哉
乎其言之矣迺月令載於
呂覽大都亦紀候之書不
過周官中之一事耳然千
餘年來民咸用之誠不以

人廢言矣而穎有盧君者
嫌其局而未通眇聞而不
廣於是不憚窮搜博採凡
稗官野史博物雜記苟一
言一事足前民用者靡不
攬摭而兼蓄之附於各月

之下曰天道曰治法曰地利曰民用曰攝生曰消吉曰占候曰跡往曰攷言曰擴聞眈列星布燦然具備經以十二辰緯以十事用配支干自謂獲免掛一漏

萬之誚命之曰月令通攷其用心良厘矣哉茲侍御王公識徹天人雅善是編因觀風至台出以示余仍索余序之余不佞曩典秩宗時其於時令之說亦嘗

究心然徒得其槩耳則未
有該括靡遺條分縷析若
斯之備且晰者誠梓以嘉
惠人人所謂警曠之鈴導
南之車非耶雖然余又有
庚進者邇瀕苦無歲民往

往登首山呼庚癸又沴烝
流行四方災異日形奏牘
即天心仁愛而民用頗僻
動不由禮經者或足以致
然也王公深識遠慮察見
標本所在故加意此編行

之非獨有位藉以善治即
闕闕之衆得相時戒事以
不奸陰陽之和以漸返淳
靡之理庶幾虞周之盛可
復睹乎審是則此書之有
補於世也非眇少矣爰書

以弁其首

萬曆歲在己丑仲秋吉旦
賜進士及第資政大夫南京
禮部尚書前吏部左侍郎
兼翰林院學士掌詹事府
事兩京國子祭酒春坊

太子左諭德

會典國史纂修官臨海秦
鳴雷撰



月令通攷叙略

呂氏月令載在禮經繫有
章程矣然畧而罔備民咸
用之利用出入則掛一漏
萬者不尠也中菴先生軫
憫人窮之意於是著通攷

云為經者十二以應地支
為緯者十以應天干蓋自
天道迄於擴聞井井叙焉
由是無失時無悞事按月
分如龜鑑然示人切要甚
盛惠哉若夫日用之常可

通於四時可服之終身聖
有謨訓悉置而不錄蓋凡
衆之動或有失焉可後時
而補或有悞焉可後事而
濟也豈如月令局焉而不
通難以假借者哉此通攷

所由述也爰命梓以廣其傳

萬曆己丑仲秋吉旦同郡
嵩淮王道增識

月令通攷序

病間無寄意者命僕抽書
得家塾事親余嘗謂其事
義欠切欲輯而擴之以體
大未易就且屢困於病而
未逮也閱間見十二月占

辰及十二月雜事因思農
桑撮要亦列歲務惜皆各
據一事而未廣焉爰是主
之以月令博之以群書以
十二月應十二地反以為
經又各繹以十類以應天

之十干而為緯彙附區別
順天時以授人事則氣運
可得而察功業可因而興
物情可藉而悉庶無掛一
漏萬之嘆噫反經千緯而
地天之泰寓矣一經一緯

而天地之文備矣名之曰

月令通攷

穎人盧翰書

月令通攷目錄

卷之一

正月上

卷之二

正月下

卷之三

二月

卷之四

三月

卷之五

四月

卷之六

五月上

卷之七

五月下

卷之八

六月

卷之九

七月

卷之十

八月

卷之十一

九月

卷之十二

十月

卷之十三

十一月

卷之十四

十二月

卷之十五

閏月

卷之十六

附錄

各月條例

天道一

窺管

二氣高運度數幽遠爰述天道以代

治法二

以治

天降蒸民聖王御世爰述紀法應時

地利三

弗爽

土生萬物民賴以養爰述地利農事

民用四

是範

禮從事卑事以時變爰述民用是矜

攝生五

永年

人之得天形氣本全爰述攝生保願

消吉六

迷蒙

趨利避害民之常情爰述消吉指示

占候七

占候

吉事有祥理隱兆露爰述觀道律厥

跡往八

多故

古今異風江河殊趣爰述跡事坐觀

攷言九 事願物雜匪鳴弗別爰述攷言相此

多識

擴聞十 掛一漏萬搜羅莫周爰述擴聞並蓄

兼收

閏月所載義例

其有統論春夏秋冬及稱其季而月分不清則莫可以單隸又如正五九月其事月分不專則莫可以分屬存之則混而無別遺之則闕而不備乃別為一卷以附閏月亦猶閏之可周於一年之中而十二月皆有餘日也故曰象閏非必

盡閏月中事也若夫二十四氣雖不言月且運數前却或有插入他月者然為各月節氣固自一定而不可移矣今直係之本月而不入象閏焉觀者詳之

二十四氣所屬月分

正月	立春	雨水	二月	驚蟄	春分
三月	清明	穀雨	四月	立夏	小滿
五月	芒種	夏至	六月	小暑	大暑
七月	立秋	處暑	八月	白露	秋分
九月	寒露	霜降	十月	立冬	小雪

十月 大雩 冬至 十一月 小寒 大寒

四時名

春為青陽 夏為朱明 秋為白藏

冬為玄英 春為發生 夏為長羸

秋為收成 冬為安寧

十二支分屬各月 十二月月令通攷即應此干以為經也

正月屬寅為陔 二月屬卯為如

三月屬辰為寤 四月屬巳為余

五月屬午為臯 六月屬未為旦

七月屬申為相 八月屬酉為壯

九月屬戌為玄 十月屬亥為陽

十一月屬子為辜 十二月屬丑為塗

各月在十干名 每月十條事即應此以為緯也

在甲曰畢 在乙曰橘 在丙曰修

在丁曰圉 在戊曰厲 在己曰則

在庚曰窒 在辛曰塞 在壬曰終

在癸曰極

太歲在十二支名

在子曰困敦 在丑曰赤奮若 在寅曰攝提格

在卯曰單闕 在辰曰執徐 在巳曰大荒落

在午曰敦牂	在未曰協洽	在申曰涖灘
在酉曰作噩	在戌曰闔茂	在亥曰大淵獻
太歲在十干名		
在甲曰闕逢	在乙曰旃蒙	在丙曰柔兆
在丁曰強圉	在戊曰著雍	在巳曰屠維
在庚曰上章	在辛曰重光	在壬曰玄默
在癸曰昭陽		

月令通攷卷之一

潁人盧 翰子羽纂

同邑王道增益甫閱

元嗣晉伯進訂

正月上

天道

孟春之月日在營室昏參中旦尾中

月令

孟春夏正建寅之月也營室在亥娵訾之次也日在營室者日月會於營室之辰也會在營室以知月之建寅會在於奎以知月之建卯故日月所會謂之辰每一歲而十二會焉獨稱日者陽以成歲

為事而陰特從之故以日為主昏時參星在南方之中旦則尾星在南方之中昏明中星不與曆同其日甲乙其帝太皞其神句芒

音勾亡

春於四時屬木甲乙木之屬也十日分屬於五行用事者王故甲乙用事於春為木王也此王則彼竭矣太皞伏羲也木德之君勾芒少皞氏之子曰重木官之臣生有功德於民故後王於春祀之以主春皞者大起萬物擾也勾者物之始生芒之為言萌也

其蟲鱗其音角律中太簇其數八其味酸其臭羶其

祀戶祭先脾

中去聲簇七冠切

蒼龍木屬其類為鱗故春則其蟲鱗木之屬也五聲角為木單出曰聲雜比曰音調樂於春以角為主也律者候氣之管中猶應也太簇寅律長八寸陰陽之氣距地面各有淺深故律之長短如其數律管入地以葭灰實其端其月氣至則灰飛而管通氣之應也天三生木地八成之其數八成數也通於鼻者謂之臭臭即氣也在口者謂之味酸羶皆木之屬蓋春以陽中生木木之成形為曲直曲直作酸故其味酸物以木化則其氣為羶故其臭

其皮飾毳服領袖塵垢不着如風霾翳目拭之即
出獺取鯉於水裔四方圓布而陳之進而不食必
自祭其先或云祭天一歲二祭鴈陽鳥蓋得中和
之氣者大曰鴻小曰鴈泊江湖洲渚之間動計千
百大者居其中令鴈奴圍而警察飛有先後知陰
陽升降之候分少長行列之序禮大夫贄鴈者取
其候時而行也鴈以北方為居寒即自北而南以
就和氣則謂之來北曰來自南而北也蓋呂不韋
以秦亦居北故云

是月也天氣下降地氣上騰天地和同二氣交感萬

物化生草木萌動

呂覽作
草繁動

天地交而為泰故草木萌生發動於其時也

正月啓蟄鴈北向雉震响魚陟負冰

夏小正

啓蟄始發蟄也鴈北向向其居也鴈以北方為居
震鳴也响鼓翼也正月必雷雷不正聞惟雉聞

羽有俊風寒日滌凍塗田鼠出

夏小正

俊大也大風謂南風也滌變也變而暖也凍塗凍
下而澤上多也

獺祭魚鴈則為鳩

鞠則見初昏參中斗柄縣在下

夏小正

立春之日東風解凍又五日蟄蟲始振又五日魚上水

立建也春蠢也萬物蠢化乃運動也春為陽中萬物始生故曰立春乃正月之節也 餘見月令

雨水之日獺祭魚又五日鴻雁來又五日草木萌動

汲冢周書

自上而下曰雨北風凍而為雪東風解而為冰立春之初三陽初交而陽氣未透至此時中氣已至陰陽之氣和同無復沍寒凝凍之愆雨澤而水是謂雨水乃正月之中氣也 餘見月令

距日冬至四十五日斗指東北維為立春後十五日

斗指寅為雨水 孝經緯

立春日日在虛二度後十二日日入酉初一刻後十三日日在危九度後十二日日入酉初三刻十三日日出卯正一刻晝四十七刻夜五十三刻後四日日纏媿訾之次入亥危十三度晝四十八刻夜五十二刻

通書 立春正月

節日出入
并晝夜長
短之圖



雨水正月

中日出入
并晝夜長
短之圖



萬物出乎震震東方也 易

春曰青陽萬物發生 爾雅

少陽生於東方甲乙之木故曰青陽

農祥晨正日月底于天廟土乃脉發 周語

晨正房星也立春曰晨正中於午農事之候故曰

農祥

日行西陸謂之春立春月東從青道

日行西陸為春行南為夏東陸為秋北陸為冬月

行九道凡月行所交以黃道內為陰曆外為陽曆

冬入陰曆夏入陽曆月行青道冬入陽曆夏入陰

曆月行白道春入陽曆秋入陰曆月行朱道春入

陰曆秋入陽曆月行黑道四序離為八節至陰陽

之所交皆與黃道相會故月行有九道所謂日月

之行則有冬有夏也

日行東方青道曰東陸 易通統圖

東方之神太皞乘震執規司春 魏相傳

太簇寅之氣也正月建焉而在辰嫩訾

斗柄東指而天下皆春 鶡冠子

治法

天子居青陽左箇 月令

青陽明堂之東堂也四面旁室謂之箇左箇北偏近北也蓋明堂之制堂有九室如井田之制東之中為青陽太廟東之南為青陽右箇則東之北為青陽左箇也他可觸類天子居以聽政但隨其時之方位開門爾

孟春天子所

南明堂太廟太室
至
至
至
北

即明堂右箇

總尊右箇

總尊太室

即
總尊右箇

涼菴
於
州
臺
廟

乃命太史守典奉法司天日月星辰之行宿離不貸
母失經紀以初為常

月令

宿猶止也離猶行也言占候躔次不可差忒母失
天文進退遲速之度數而以曆家推步之舊法為
占候之常也

天子乃以元日祈穀於上帝乃擇元辰天子親載耒
耜措之于參保介之御間帥三公九卿諸侯大夫躬
耕帝籍天子三推三公五推卿諸侯九推反執爵於
太寢三公九卿諸侯大夫皆御命曰勞酒

月令

元日上辛也郊祭天而配以後稷為祈穀也元辰

月令通考 卷之一
郊後吉日也參參乘之人也保介衣甲也以勇士
為車右而衣甲御者御車之人也車右及御人皆
是參乘天子在左御者居中車右在右以三人故
曰參也置此耕器於參乘保介及御者之間天子
籍田千畝收其穀為祭祀之粢盛故曰帝籍推者
執耒而進之也或以三或以五或以九者以貴賤
為勞逸之差等也九推之後庶人終之反而行燕
禮群臣皆侍

獺祭魚然後虞人入澤梁

月令

獺祭魚孟春之月也魚陰物也其性隨陽而上春
為陽中魚於是時則易取焉故獺祭魚而入澤梁
者因以為取魚之候也梁絕水取魚者水堰也堰
水為關空以筍承其空

王命布農事命田舍東郊皆脩封疆審端徑術善相
丘陵阪險原隰土地所宜五穀所殖以教道民必躬
親之田事既飭先定準直農乃不惑

月令

田田畷也舍居也天子命田畷居東郊以督耕謂
井田之限域遂之溝洫皆善相之即司空之時地
利也封疆有界限徑遂有濶狹土地有高下五種
有宜否皆須田畷躬親教飭之以定其準直故雖

農民之愚亦無所疑惑也

命樂正入學習舞乃脩祭典命祀山林川澤犧牲毋
用牝禁止伐木毋覆巢毋殺孩蟲胎夭飛鳥毋麇毋
卵毋聚大衆毋置城郭掩骼埋胔月令

禁以法言止以事言以盛德在水也孩蟲言未成
如孩蟲之稚者胎未生者天方生者飛鳥則鳥之
初習飛者麇獸子之通稱母卵以上皆所以遂其
生育之性也母聚衆置郭城為其害耕事也胔骨
之尚有肉者掩之埋之則推其所愛於其生者以
及其死也

是月也不可以稱兵稱兵必天殃兵戎不起不可從
我始母變天之道母絕地之理母亂人之紀月令

稱兵舉兵也兵以器言戎以事言兵者人之義事
春者天之仁氣兵凶器戰危事不得已而禦寇猶
之可也若自我起以殺戮之心逆生育之氣是變
易天之生道斷絕地之生理而紊亂生人之紀叙
矣其殃也宜哉

農緯厥耒初歲祭耒始用暢

緯束也束其耒見君之亦有耒也暢者終歲之用
祭曰初者始用之也夏小正

天地交泰後以裁成天地之道輔相天地之宜以左
右民

為卦天地交而萬物通正月之卦也裁成以制其

過輔相以補其不及

易泰卦

木氣生聖人以仁行政

三墳

王者歲一祭天必於正月上辛

春秋繁露

正歲頒告朔于邦國

周禮

正月之吉始和布治於邦國都鄙乃縣治象之法於
象魏使萬民觀治象挾日而歛之

吉朔日也寅月氣始溫和歲功將興而王法可行

矣象魏闕也以治法書之為象懸於雉門之兩觀

以示其民挾日自甲至癸也必旬日而後收之者

欲使遠近皆聞見也

正歲簡稼噐脩稼政

上春詔王后帥六官之人而生種稷之種而獻之于

王

正月之吉受教法於司徒退而頒之于其鄉吏使各

以教其所治以攷其德行察其道藝以歲時登其夫

家之衆寡辨其可任者

周禮

正月之吉各屬其州之民而讀法以攷其德行道藝

而勸之以糾其過惡而戒之周禮

農正陳藉禮大史贊王王敬從之王耕一墾班三之

庶人終于千畝周語

孟春之月東宮御女青色衣青采鼓琴瑟淮南子

孟春之月群居者將散行人振木鐸徇於路以采詩

獻之太師比其音律以聞於天子漢書

立春之日京都百官皆衣青立青幡施土牛耕人於

門外

立春之日下寬大書曰方春東作敬始慎微罪殊死

且勿案驗皆湏麥秋漢禮儀志

立春之日迎春于東郊車旗服飾皆青歌青陽舞雲

霓之舞後漢祭祀志

立春後丑日祭風師于東北郊集禮

正月之朝鄉長復事齊語

鄉長鄉大夫也復白也

合群變比較民之有道者設象以為民紀管子

合會也群變諸老也比較謂考其德行道藝

正月者歲之始王者則天之象因時之序宜開發德

號爵賢命士流寬大之澤垂仁厚之恩後漢郎顛疏

地利

農及雪澤初服於公田

夏小正

冬積雪春雨化之為雪澤農及雪澤言浸灌洋溢無高下也初服於公言先服公田而後及其田也

孟春焚牧

周禮

焚牧地以除陳生新草

陽氣俱蒸土膏其動

周語

春土冒揆陳根可拔耕者急發

農書

元日五更點火照桑棗果木等樹則無蟲以刀斧班駁斫樹身則結實不落謂之嫁樹

農桑撮要

此目栽樹為上時凡栽果上半月栽者多子南風及

火日不可栽

山居四要

移栽諸色花果樹木宜寬深開掘用少糞水和土成泥漿根有宿土者栽於泥中候水喫定次日方用土覆蓋根無宿土者深栽於泥中輕提樹根於地平則根舒暢易得活三四日方可用水澆灌

駟諸色果木樹芽未生之時於根傍掘土須要寬深尋纂心釘地根截去留四邊亂根勿動却用土覆蓋築令實則結果肥大勝揷接者謂之駟樹

栽桑樹耕地宜熟移栽時行須要寬橫行濶八步長行相離四步對栽桑行中間可用牛耕故田不廢桑

不致荒

移栽諸樹自朔暨晦可移松栢槐榆等樹

種柳取弱柳枝大如臂長一尺半燒下頭二三寸埋之用杵打實常以水澆之必數條俱生留三四條茂者削去枝稍其枝必茂或栽插者長五六尺亦得人家若種千樹足可以供柴箕柳去河邊及下地不堪種五穀之處耕地數遍刈取四五寸漫撒栽之常引水浸至秋間收取可為簸箕升斗用度二月亦可插栽

脩桑削去枯枝及低小亂枝條根傍開掘用糞土培

壅與臘月同此月不脩理則葉生遲而薄

種茄匏冬瓜葫蘆黃瓜菜瓜此月預先以糞和灰土以瓦盆盛或桶盛貯候發熱過以瓜茄子插於灰中常以水洒之日間朝日影夜間收於竈側暖處候生甲時分種於肥地常以少糞水澆灌上用低棚蓋之待長茂帶土移栽則活社後亦可種也

葶薺正月留種種取大而正者待芽生理泥缸內二三月間後移水田中至茂盛於小暑前分種每科離尺五許冬至前後起之耘楊與種稻同荳餅或糞皆

可壅

便民纂要

種芋蕮先將園地鋤過一遍又以新黃土覆在鋤過地上却將芋芽向上密排種之用草覆蓋候發出三四葉約四五寸高於三月間移栽之

栽葱薤薤去冗鬚微曬乾踈行密排栽之宜雞糞培壅

種苦蕒蒿苣生菜四月芥二三月皆可移種宜用盪過熟灰糞培壅之

正月後壓桑以條攀下用別地燥土壓之則易生根次年鑿斷移栽或云撒子種桑不若壓條而分根莖修諸色果木樹削去低小亂枝條勿令分力結果自

然肥大

是月修農具築墻圍開溝渠修蠶屋整屋漏織蠶箔瓏瓜地

藕初春掘取藕稍頭插池中泥裏種之當年便生荷若泥深將損處向下插之直到硬地乃佳又別本初春掘取根三節無損處種入泥深令到硬土當年有花

種葵臨種時必須燥曝葵子葵子雖經歲不洩然溫種者瘦而不肥地不厭良故虛彌善薄即糞之不宜妄種春必畦種水澆春多風早非畦不得且畦者省

地而菜多一畦供一日畦長兩步廣一步大則水難
勻又不用人足入深掘以熟糞對半和土覆其上令
厚一寸鉄齒把耨之令熟足踏使堅平下水令徹澤
水盡下葵子又以熟糞和土覆其上令厚三寸餘葵
生三葉然後澆之用晨夕日中便止每一搯輒把耨
地令土起下水如糞三搯更種一歲之中凡得三輩
凡畦種之物如種葵法不復條列也

種大葫蘆正月中掘地作坑方四五尺深一丈實填
油麻菜荳藍及爛草等一重糞土一重草如此四五
重向上一尺餘着糞土種十餘顆子待生後揀取四

莖肥好者每兩莖相縛着一處以竹刀子刮去半皮
以物纏之以牛糞黃泥封之一如接樹法裹之待相
着活後各須除一頭又取此兩莖相着如前法治之
待得活後惟留一莖合者四莖合為一本縛着了揀
取兩箇周正好大者餘旋除之如此舊是一斗種可
容一碩也若須為噐以模盛之隨人所好

種諸果木法須月半前種者多子月半後種則子少
稼李樹於正月旦日五更以長竿打其樹稍其子亦
繁以石頭安樹叉間尤妙

辟五果蟲法正月旦日雞鳴時以火把徧照五果及

桑樹上下則無蟲如時年有桑災生虫照之必免上

山居要錄

正月自朔及晦可移諸樹惟果樹及望而止過望即少實樹必記陰陽枝小樹即不用髡先為深坑內樹訖浚水着土必令加薄東西南北搖之良久泥入根間必無不活然後下土緊築近上三寸不築取其柔潤也數溉注令浚潤每澆水盡即以乾土覆三覆則澤保栽不得令人把及六畜撥觸

種苧蔴正月移根分栽五月斫為頭苧待長七月斫為二苧又長九月斫為三苧其根常留以灰糞壅之

種靛正月中以布袋盛子浸之芽出撒地上用灰糞覆蓋待放葉澆水糞長二寸許分栽成行仍用水糞澆活至五六月烈日內將糞水潑葉上約五六次俟葉厚方割離二寸許將梗葉浸水缸內一晝夜濾淨每缸內用礦灰色青者灰八兩濃者灰九兩以木杓打轉轉澄清去水是謂頭靛其在地舊根旁須去草淨澆灌一如前法待葉盛亦如前法收割浸打謂之二靛又俟長亦復如前澆灌斫則齊根浸打法亦同前謂之三靛其濾出粗壅田亦可

種黃蔴古云十耕蘿蔔九耕蔴地宜肥熟須殘年壅

俟凍過則土酥來春鋤成行壟正月半前後下種種子取班黑者為上撒後以灰蓋之密則細疎則龐布葉後以水糞澆灌澆時須陰天恐葉焦死亦不可立行龐上恐踏實不長七月間收子麻布包之懸掛則易出

治果木蠹蟲正月間削杉木作釘塞其穴則蟲立死
民用

上春釁寶鎮及寶器

上春孟春也釁謂殺牲以血塗之

三之日于耜

于耜謂理農器也東方少陽農事始起禮天子是月迎穀于東郊

元旦酬恩宜齋戒焚香點燭拜謝天地日月星辰國王水土祖宗父母社稷六神勿興惡念

正月朔旦三陽交泰萬物發生乃人道報本反始之時為一歲初祭古者士大夫皆有家廟既虞則作主刻官封名氏今以祭寢之禮參酌以栗木作牌子遇薦饗則俟排辨訖祭主捧而置于几祭畢復藏其匣於正寢側室奉香火旦朝之

祭日出神主於祭所以伯叔兄弟死而無子者祔如

今祭之義先四拜三獻酒畢口祝年月姓名祭意再四拜焚紙錢以後四時之薦依孫氏春用清明日夏用端午日秋用九月九日冬用冬至日止祭三代不用禱位亦不必用祭文

正月巳丑日白鷄祀竈宜蠶作竈法當辰巳間隙地取土先掘去上五寸以水美酒一升合和泥之以癸亥日修之此日安竈自如也廣四尺長五尺欲安兩釜長七尺子孫富貴作竈餘泥不可泥井井餘土不可泥竈大勿以壬癸庚辛萬文九空血忌破危閉建寅日皆凶開南戶西戶東戶三也立竈於屋中央口

向西竈四邊今去釜九寸也以磚及細土構立之亦無令穿拆神竈之法畢矣竈必為屏心突高出屋四尺則無火失竈君以壬子日死不用此日治竈猪肝泥竈令婦老僧道行書元日不討火不汲水不掃地

正月朔早將物去塚頭換取古磚一箇呪曰要斷一年無時疫懸安門

漢以正月旦造酒八月成名曰九醒一名醇酎西京雜記

元日遇道士得生炁吉忌塚門之徒

其月禁止伐木覆巢毀胎卵禁興兵勿殺生

其月初婚忌空床多招不詳不可不謹不得已者當以薰籠置床上禳之

立春日取春牛角上土置戶上宜田法天生意

正月雨水夫婦各飲一盃還房當月有孕法天生意

正月一日是謂正日繫祀祖禰進酒降神畢乃室家

尊卑大小以次列於先祖之前子婦曾孫各上椒酒

於家長從少至老崔寔月令

正月造山桃板著戶謂之仙木象神荼鬱壘

翰按上古之時有神荼鬱壘兄弟二人性能執鬼

於度朔山桃樹下簡閱百鬼之無道者縛以葦索

飼虎於是黃帝法而象之因立桃板於門戶上畫

神荼鬱壘以禦凶鬼此則桃板之制也此出山海

經及風俗通

元日子丑時燒糞簾令人倉庫不耗

元日取鵲巢燒灰撒門裏辟盜以上家熟事親

元日爆竹能辟山魃邪鬼

是月上辰日塞鼠穴則無鼠

蒸臘酒每酒一罈入蜡六錢竹葉十五片澄清用桑

葉塞口煮過再澄清封時瓶底放好香麩一塊以物

隔定酒溶蜡二錢蓋之乾處放不浸地氣年久味不

變

正月十五日作膏粥以祠門戶

今州里風俗望日祭門先以楊柳枝插門隨楊柳

枝所指仍以酒脯飲食及豆粥揀着而祭之王燭寶典

正月邀客飲春酒為履端之會左傳曰履端於始

立春日剪綵為燕以戴之貼宜春字荆楚歲時記

歲首折松枝男七女二以為藥飲之董勛答問

攝生

泰三陽之卦斗杓建寅之月也陽出地喻身中三陽

上升當急駕河車搬歸鼎內內丹秘訣

黃庭經云北方正氣名河車蓋擊運法也坡之河

車挽水灌腦黑

元日進椒栢酒椒是玉衡星精服之令人耐老身輕

栢是仙藥崔寔月令

元日服桃湯進敷于散桃者五行之精能厭邪氣制

百鬼歲時記

元日平旦吞鹽豉七粒終歲不悞食蠅子

元日食五味子斂形

元日取小便洗腋氣大效家塾事親

正月食虎豹狗肉傷人食生蓼傷腎

元日取五香煮湯浴令人至老鬚黑珠囊隱訣

五香一株五根一莖五枝一枝五葉葉間五節五五相對故名五香即青木香也

七八月或三伏收葫蘆蔓上纏絲陰乾正月初一日

五更煎湯放溫洗兒至老不生癩疥如不信留臂不

洗見效洗時不可令人知父或母只一人知之家塾事親

春採郊野無茨真枸杞葉名天精草陰乾聽用枝上

有茨者名曰棘即非枸杞味辛苦麻人切不可用害

人慎之慎之劉氏經方

春噓明目木扶肝可正坐以手兩相重按胫下徐暖

身左右各三五度又可正坐兩手拽相又反覆向胸

三五度此能去肝家積聚風邪毒氣為之良久閉目

三嚙三叩齒而止又詩云肝主龍塗位號心病來還

覺好酸辛眼中赤色無多泪噓之病去立如神活人心

立春後庚子日搗蕪青汁合家大小飲蘿蔔汁亦良

正月之節食五辛以辟厲氣

五辛謂蒜葱韭蘿蔔薑

其月宜加綿襪以煖足則無病

其月甲子拔白髮併髭晦日汲井花水服之令人鬚

髮不白

初一日謂之天倉開日宜入山脩道

其日取拘杞菜煮湯沐浴令人光澤不病不老

初八日沐浴去灾禍令人安

初十日人定時沐浴令人齒堅凡齋戒沐浴皆當盥
沐五香湯其五香湯法用蘭香荊芥花苓香木香
白檀各一斤凡五物切碎以水二斛煮取一斛以自
沐浴也此湯辟惡除不祥降神靈并治頭風如無蘭
香甘松代之亦可

立春日上學之吉清朝煮白芷桃皮青木香三種東
向沐浴大吉能盡學

入春宜晚脫綿衣令人無傷寒霍亂

春戊辰日宜煉丹

春月夜卧早起凡卧欲得頭向東有所利益

春月飲酒茹葱以通五臟忌生葱

寅日拔白髮吉

其月勿食虎豹狸肉令人傷神損壽

勿食鼠殘之物能生鼠瘻瘡小便下血者是此病

勿食生葱令人面上起遊風

勿食梨以厭鬼別離之意

勿食鯽魚頭其中有毒

立春并社日勿食葶如食至娶妻拜門日腰間有聲如嚼葶皆以為戒

服赤小豆二七粒面東以葶汁下即一年無疾病家人悉令服之風土記

平旦以麻子六七粒投井中辟瘟歲時記

正月元日寅時飲屠蘇酒免疫癘其方用大黃一錢六分

桔梗去蘆用川椒去核各一錢五分桂心去皮一錢八分烏頭炮去分白

朮一錢八分茱萸一錢二分防風去蘆一兩作為咀片以絳囊盛之

懸井中或水缸中至寅時取出用無灰酒煎四五沸

飲則自幼及長養生纂

治瘟疫流行以正月上寅日搗女青即雀瓢是也東

之以三角絳囊盛繫前帳中大辟瘟氣

是月上寅採枸杞子根二月上卯治服之

是月每朝梳頭一二百下至夜欲卧盪熱鹽湯一盆

從膝下洗至足方卧以通泄風毒脚氣勿令壅滯

是日四更時取葫蘆藤煎湯浴小兒則終身不出痘

瘡其藤須八九月收下

是日食生菜不可過多取迎新之意及進漿水粥以

導和氣

消吉

自立春正月節天道南行宜向南行宜修造南方月
厭在戌月殺在丑天德在丁月德在丙月合在辛月
空在壬丙辛壬上宜修造取土

立春後太陽尚在子神後為天月將授時曆某日時
刺日纏玄枵之次宜用癸乙丁辛時雨水後某太陽
始過亥登明為天月將授時曆某日時刺日纏娵訾
之次宜用甲丙庚壬時

日書 天赦戊寅 天德合壬 月恩丙 日凶

爭雄巳 財離辰日 胎神未

雜 三不返庚戌辛亥 四虛敗巳酉 往亡立春後七日

忌 宅龍占竈 反激巳未 五不遇戌日

四窮乙亥日 觸水龍丙子 伏龍中庭

天狗辰 六不成寅日 八風丁丑日

菱龍未日 九良星塔 亡羸甲寅日

初一 初二龍禁小空 初三龍會日 初四天休廢

初五 初六天乙絕氣瘟 初七天地凶敗長 初八龍禁

初九瘟星出赤 初十小空 十一 十二

十三楊公忌 十四龍禁月忌 十五赤口 十六四不

十七 十八小空 十九四不 二十

二十一天地凶敗 二十二大空 二十三 二十四

二十五

二十六小空

二十七赤口

二十八四不祥 忌上官

二十九

三十大空

甲子開金吉

天恩上吉母倉益後生无青龍黃道

凶 天火黑星重喪刀砧地賊

監曆吉 大小歲位兵吉神在時陽

凶 天獄八龍雷公不舉

乙丑開金吉

天恩明堂黃道續世天鑿

凶 月殺火星歸忌血忌血支

監曆吉 大小歲位兵吉神在執儲明星

凶 土符五虛月虛月殺罪刑臺司天賊

丙寅建火吉

天恩月德滿德龍德月恩要安天倉

凶 黑道六不成大敗

監曆吉 大小歲位四相七聖旺日五合兵福兵

吉不將

凶

丁卯除火吉

天德天恩上吉顯星玉堂

凶 黑道

監曆吉 大小歲位四相官日五合七聖神在吉

期兵寶兵吉不將

凶 大時朱雀咸池大敗飛流

戊辰木滿吉

天恩金櫃黃道天富金堂曲星

凶 土瘟天賊九空焦坎天狗

監曆吉 大歲位小歲前天寶明星七聖神在福

德六儀天巫

凶 招搖厭對牢日

巳巳木平吉 天德黃道活曜星

凶 地火游禍龍虎天罡約絞荒蕪

監曆吉 大歲位相日天對明星七聖

凶 天剛

庚午土定吉 次吉月財三合時德時陰

凶 黑道罪至死无官符四廢

監曆吉 大歲位天馬民日

凶 地囊白虎天捧臨日

辛未土執吉 玉堂黃道月德合傳星次吉敬心

凶 天瘟小耗四廢

監曆吉 大歲位天寶明星枝德神在上吉

凶 獄日

壬申金破吉 天德合月空明星普護

凶 黑道大耗

監曆吉 大歲位天嶽明星驛馬七聖除神神在

上吉鳴吠

凶

癸酉危金吉 福生吉慶星上吉陰德

凶 黑道五離五虛

監曆吉 大歲位七聖守日除神神在鳴吠

凶 陰司天吏致死

甲戌成火吉 司命黃道天喜三合天府明星

凶 月厭飛廉受死重喪火星

監曆吉 大小歲對天鑿七聖神在

凶 月厭四擊地火復日

乙亥收火吉 幽微聖心母倉六合五富七聖

凶 黑道刀砧河魁絢絞

監曆吉

丙子闢水吉 青龍黃道用恩月德上吉母倉顯生益

後生无

凶 黑星天火刀砧地賊

監曆吉 大小歲對四相七聖時陽兵吉不將鳴

吠對

凶 雷公不舉

丁丑閉水吉 明堂黃道天德曲星上吉續世天鑿

月令通考 卷之十一
凶 月殺血支歸忌血忌

監曆吉 大小歲對兵吉神在四相執儲明星七

聖不將

凶 八風土符五虛月虛罪刑臺司天賊

戊寅建土吉 天赦天瑞天倉滿德星要安龍德

凶 黑道六不成

監曆吉 大小歲對五合兵吉兵福旺日

己卯除土吉 天恩天福天瑞玉堂

凶 黑道

監曆吉 大歲位官日吉期五合兵寶兵吉不將

神在上吉

凶 咸池飛流朱雀大時大敗九醜

庚辰滿金吉 天恩金櫃黃道傳星金堂天富六儀

凶 土瘟天賊四廢九牛焦坎天狗

監曆吉 大歲位天寶明星福德七聖天巫神在

凶 招搖厭對牢日復日

辛巳平金吉 天恩天德黃道活曜星天富月德合天

瑞

凶 龍虎約絞地火游禍四廢荒蕪

監曆吉 大歲位相日天對明星七聖

壬午木定吉

天德合月德天恩上吉

凶 黑道罪至死烝官符

監曆吉 大歲位三合時德天馬民日時陰神在

鳴吠

凶 天捧白虎臨日

癸未木執吉 天恩次吉玉堂黃道敬心

凶 火星天瘟小耗

監曆吉 大歲位天玉明星枝德

凶 獄日

甲申水破吉 天嶽明星普護

凶 黑道重喪大耗

監曆吉 大歲位驛馬天後解神上吉七聖神在

除神鳴吠

乙酉水危吉 福生吉慶星顯星

凶 黑道

監曆吉 大歲對小歲後陰德守日七聖除神神

在鳴吠

凶 九醜陰私玄武天吏五離五虛

丙戌土成吉 司命黃道天喜月德月恩曲星明堂

凶 月厭飛廉受死

監曆吉

大歲對小歲後四相天鑿陽德三合天府神在

凶 四擊地火

丁亥土收吉

天德幽微星母倉聖心六合

凶 黑道刀砧河魁約絞

監曆吉

大歲對小歲後四相神在五富不將

戊子火開吉

青龍黃道母倉益後生炁七聖時陽

凶 黑星天火刀砧地賊

監曆吉

大歲對兵吉

凶 天獄雷公不舉九醜

己丑火開吉

明堂黃道天鑿傳星續世

凶 月殺血支血忌歸忌

監曆吉

大歲對兵吉七聖執儲明星神在不將

凶 五虛土符月虛罪刑

庚寅木建吉

天瑞天福要安滿德星龍德天倉

凶 黑道四廢六不成

監曆吉

大歲對五合七聖兵吉兵福王日不將
鳴吠

辛卯木除吉

天福月德合玉堂

凶 黑道四廢

監曆吉

大歲前小歲對七聖兵寶吉期官日兵吉五合神在不將鳴吠對

凶

咸池飛流朱雀大時大敗九醜

壬辰水吉

天福金櫃黃道金堂次吉天富月空天德合

凶

大星土瘟天賊九空焦坎天狗

監曆吉

大歲前小歲對天寶明星福德天巫六儀

凶

招搖厭對牢日

癸巳水吉

天福活曜星天德黃道

凶

龍虎游禍天罡約絞地火荒蕪

監曆吉

大歲前小歲對相日天對明星

甲午金吉

題星上吉

凶

黑道罪至重喪死炁官符

監曆吉

大歲前小歲對七聖三合時德天願神在天馬民日時陰鳴吠對

凶

白虎天捧臨日

乙未金吉

玉堂黃道曲星敬心

凶

天瘟小耗

監曆吉

大歲前小歲對天王明星七聖神在枝

德

凶 獄日五墓

丙申火破吉 月德月恩普護天嶽明星

凶 黑道大耗

監曆吉 大歲前小歲對四相驛馬天後解神神

在除神鳴吠

凶

丁酉火危吉 天德吉慶星福生次吉

凶 黑道

監曆吉 大歲前小歲對四相陰德神在除神守

日鳴吠

凶 天吏五離五虛玄武陰私

戊戌木成吉 司馬黃道天喜傳星

凶 月厭飛廉受死

監曆吉 大歲前小歲後七聖三合明星陽德天

府天鑿

凶 四擊地火

巳亥木收吉 天福幽微星聖心母倉六合

凶 黑道刀砧河魁約絞

監曆吉 大歲前五富七聖不將

庚子上吉 天福青龍黃道母倉生无益後

凶 黑星天火地火四廢刀砍地賊

監曆吉 大歲前時陽兵吉不將

凶 大獄雷公不舉地囊復日

辛丑上吉 天福明堂黃道明德合次吉續世天鑿

凶 月殺火星四廢血支血忌歸忌

監曆吉 大歲前兵吉執儲明星不將

凶 土符五虛臺司天賊月虛

壬寅建金吉 天德合月空滿德星要安龍德天倉

凶 黑道六不成

監曆吉 大歲前五合七聖兵吉兵福上吉王日

鳴吠

癸卯除金吉 顯星玉堂次吉

凶 黑道朱雀大時

監曆吉 大歲前五合七聖吉期兵吉寶官日

甲辰滿火吉 天富金櫃黃道曲星金堂上吉

凶 天賊土瘟重喪九空焦坎天狗

監曆吉 大歲前七聖福德天寶明星六儀天巫

凶 招搖厭對牢日

乙巳平火吉 天福天德黃道活曜星

凶 游禍龍虎天罡約絞荒蕪

監曆吉 大歲前七聖神在相日天對明星

丙午水定吉 月德月恩上吉

凶 黑道罪至死无官符白虎

監曆吉 大歲後小歲位四相天合天馬時德時

陰神在民日鳴吠

丁未水執吉 天德玉堂黃道上吉傳星敬心神在

凶 天瘟小耗

監曆吉 大歲前小歲位天玉明星四相枝德

戊申土破吉 明星普護天嶽明堂天後神在

凶 黑道大耗

監曆吉 大歲後小歲位七聖驛馬解神除神

巳酉土危吉 天恩吉慶星福生上吉

凶 黑道

監曆吉 大歲前七聖神在除神陰德守日鳴吠

凶 九醜八風玄武陰私天吏五離五虛

庚戌金成吉 天喜司命黃道天恩

凶 月厭四廢飛廉受死火星

監曆吉 大歲後七聖三合天鑿天吉上吉天府

明星陽德神在

凶 四擊大煞地火復日

辛亥金收吉 天恩幽微星月德合母倉六合聖心

凶 黑道四廢河魁約絞刃砧

監曆吉 大歲後五富不收

壬子木開吉 天德合天恩青龍黃道天瑞月空顯星

母倉益後生炁

凶 天火刀砧黑星地賊

監曆吉 大歲前七聖兵吉時陽鳴吠對

凶 天獄雷公不舉四耗

癸丑木開吉 天恩明堂黃道曲星次吉續世天鑿

凶 月殺血支血忌歸忌五虛月虛

監曆吉 大歲前兵吉執儲明星七聖

凶 土符臺司天賊觸水龍罪刑

甲寅木建吉 天倉滿德星要安龍德

凶 黑道重喪天敗六不成

監曆吉 大歲前五合兵吉兵福王日七聖鳴吠

對

乙卯水除吉 玉堂吉期神在五合七聖

凶 黑道咸池朱雀

監曆吉 大歲前官日兵寶兵吉鳴吠對

凶 九醜飛流大時

丙辰土滿吉 天富金櫃黃道月德月恩上吉金堂傳

星

凶 土瘟天賊九空焦坎天狗

監曆吉 大歲前福德天寶明星神在四相天巫

六儀

凶 厭對招搖牢日

丁巳土平吉 天德天福月德黃道活曜星神在

凶 龍虎游禍天罡約絞荒蕪

監曆吉 大歲後小歲前相日天對明星四相

戊午火定吉 三合神在

凶 黑道罪至死炁官符

監曆吉 大歲後時德七聖時陰天馬民日

凶 九醜白虎天捧臨日

己未火執吉 玉堂黃道敬心

凶 天瘟火星小耗

監曆吉 大歲後上吉天王明星神在七聖枝德

凶 八專獄日

庚申木破吉 天福天嶽明星普護

凶 黑道正四廢大耗

監曆吉 大歲後驛馬天後上吉除神解神七聖

辛酉木危吉 月德合吉慶星福生顯星

凶 黑道正四廢

監曆吉 大歲後上吉七聖神在陰德守日除神

鳴吠

凶 九醜玄武陰私天吏五離

壬戌水成吉 天德合月空司命黃道天喜次吉曲星

凶 月厭飛廉受死

監曆吉 大歲後天鑿陽德三合天府明堂

凶 四擊大殺地火

癸亥水收吉 幽微星母倉聖心六合

凶 黑道河魁約絞刀砧

監曆吉 大小歲位五富神在

凶

五子開吉 青龍黃道祗神黃道天黃道生炁時陽

益後母倉太陽兵吉

凶 天雷黑星天雲不返魯般殺不舉天火

狼藉天喪天魔太歲毛頭天狗刀砧披

麻星

五丑閉吉 明堂黃道儲明星天黃道正陽天醫兵

吉續世崇微星貴人星吉人星

凶 天雲不返木星罪刑月殺月虛四激五

虛五盜歸忌上符挾血忌血支

五寅建凶 按陰陽諸家曆法值月建百事大凶雖

有吉神亦不可用一云宜封拜襲爵出

行不忌

五卯除吉 祇神黃道天德星吉官玉堂兵宅兵吉

凶 飛流黑星朱雀黑道咸池林隔天寡絕

滅小殺天地殃敗

五辰滿吉 金匱黃道天黃道天貴星金堂天富天

星六儀明星天財星鸞星相日穴天狗

凶 招搖天賊九空空亡九坎九傳歲空芥

頭殺厭對土瘟地雄地隔

五巳平凶 按陰陽諸家曆法云值天罡斗中滅烈

之神不可挿犯犯之滅族亡家故人為

之滅沒大禍又是瓦解冰消百事忌用

五午定吉 祇神黃道天黃道春天德三合寧成勳

四相大馬天解時陰月才

凶 白虎黑道天捧黑星天地爭雄天刑天

哭天哭六不成臨日官符五魁罪至死

月令通考 卷之一
三十九
炁火隔

五未執吉

玉堂黃道祗神黃道天黃道恭安月台

支德天玉明星天成星天黃星少微星

凶

龍會蛟龍小耗牢日天瘟分骸山隔

五申破凶

按陰陽諸家曆法云值月破百事大凶

雖有吉神不可用

五酉危吉

天慶星吉慶星福生守日陰德神在

凶

玄武黑道陰私黑道章無天使人隔吟

神倍四廢徒隸致死地傷地耗天灾水

沙殺

五戌成凶

按陰陽諸家曆法云值天地爭雄受死

百事大凶縱有吉神亦不可用亦當避

忌

五亥收凶


按陰陽諸家曆法云值河魁斗去成烈

之神不可輒犯犯之滅族亡家故人為

之滅沒

大禍百事忌用

月令通攷卷之一終



位

月

寅月天道南行百事向之吉 土去在
 東及竈 土无衝南 雨水節後四月
 日將過亥 九良星在階 宅龍在竈
 伏龍中庭 此月宜辛向莫吉 月空
 在壬利取土藏胎衣安產室並吉 春不作
 東黑游神立 春不作良 游廢殺立
 春後在巳 胎神在床 黃牛在欄 天
 狗頭酉 天狗尾卯 天狗立春後
 在艮 造倉損人口 作厠凶飛
 庶死烝鶴神方位忌取六畜

書名		
版別	冊數 16	紙
定價	160.00	
編號	冬字第	号

北京市中国書店定價簽

